



Broj: 12-27-12277-7/16  
Zenica, 28.09.2016. godine

Ministarstvo za prostorno uređenje, promet i komunikacije i zaštitu okoline Zeničko-dobojskog kantona na osnovu člana 42. Zakona o cestovnom prijevozu Federacije Bosne i Hercegovine („Službene novine Federacije BiH“, broj 28/06 i 2/10), članova 24. i 31. Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona“, broj 6/10 i 5/16) i člana 4. Pravilnika o polaganju posebnog ispita za taksivozača u Zeničko-dobojskom kantonu („Službene novine Zeničko-dobojskog kantona“, broj 10/10 i 12/13), objavljuje

### JAVNI POZIV ZA TAKSIPRIJEVOZNIKE

1. Pozivaju se taksiprijevoznici, koji posjeduju licencu prijevoznika za taksiprijevoz odnosno obavljaju taksiprijevoz putnika na prostoru općine/grada Zeničko-dobojskog kantona, u kojoj imaju sjedište odnosno prebivalište, a stekli su rješenje za obavljanje taksiprijevoza izdato od nadležne službe za poslove cestovnog prometa općine/grada prije 09.10.2003. godine, da podnesu prijavu za polaganje posebnog ispita za taksivozača i dostave propisanu dokumentaciju za ovaj postupak.  
Obaveza polaganja posebnog ispita za taksivozača iz prethodnog stava ne odnosi se na taksiprijevoznike koji u toku 2016. godine navršavaju 65 godina starosti.
2. Uz prijavu za polaganje posebnog ispita za taksivozača, taksiprijevoznik je obavezan priložiti:
  - ovjerenu fotokopiju važeće vozačke dozvole za “B” kategoriju i
  - ovjerenu fotokopiju važeće lične karte.Dokaz u pogledu stručne spreme za zanimanje vozač motornih vozila taksiprijevoznik nije obavezan priložiti iz razloga što je ovaj dokaz dostupan iz službenih evidencija i dostavljen je u postupku izdavanja licence prijevoznika za taksiprijevoz.  
Taksiprijevoznici koji polažu ispit po ovom javnom pozivu oslobođeni su plaćanja naknade za troškove polaganja posebnog ispita za taksivozača Rješenjem ministra Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-27-12277-6/16 od 27.09.2016. godine.
3. Prijava za polaganje posebnog ispita za taksivozača se podnosi na propisanom obrascu koji je prilog broj 2. i čini sastavni dio Pravilnika o polaganju posebnog ispita za taksivozača u Zeničko-dobojskom kantonu („Službene novine Zeničko-dobojskog kantona“, broj 10/10 i 12/13), koji taksiprijevoznici mogu preuzeti sa službene web stranice [www.zdk.ba](http://www.zdk.ba), a isti će se nalaziti i u pripremljenim materijalima za polaganje ispita.
4. Prijava za polaganje posebnog ispita za taksivozača sa navedenom i propisanom dokumentacijom se podnosi Ministarstvu za prostorno uređenje, promet i komunikacije i zaštitu okoline Zeničko-dobojskog kantona, Kučukovići broj 2, 72000 Zenica, putem nadležne službe za poslove cestovnog prometa općine/grada u kojoj taksiprijevoznik ima sjedište odnosno prebivalište.
5. Prijavu za polaganje posebnog ispita za taksivozača sa navedenom i propisanom dokumentacijom taksiprijevoznik je dužan podnijeti nadležnoj službi za poslove cestovnog

prometa općine/grada najkasnije u roku od 15 dana, računajući od narednog dana od dana objave ovog poziva u dnevnom listu „Dnevni avaz“.

6. Javni poziv o pokretanju postupka prikupljanja prijave sa propisanom dokumentacijom za polaganje posebnog ispita za taksivozača biće objavljen u dnevnom listu „Dnevni avaz“, na web stranici [www.zdk.ba](http://www.zdk.ba) i na oglasnoj ploči općine/grada Zeničko-dobojskog kantona.
7. O mjestu i vremenu polaganja ispita taksiprijevoznici biće obavješteni oglasom putem nadležne službe za poslove cestovnog prometa općine/grada Zeničko-dobojskog kantona.
8. Polaganje ispita neće se odobriti taksiprijevozniku koji nije ispunio sve propisane uvjete za polaganje ispita.
9. Spisak taksiprijevoznika, koji imaju važeću licencu prijevoznika za taksiprijevoz, a nemaju položen poseban ispit za taksivozača, nalaziće se u pripremljenim materijalima za polaganje ispita.
10. Materijali za polaganje ispita mogu se preuzeti u elektronskom obliku sa službene web stranice [www.zdk.ba](http://www.zdk.ba).
11. Taksiprijevozniku koji ne položi poseban ispit za taksivozača u roku utvrđenom u članu 31. Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona“, broj 6/10 i 5/16) oduzeti će se licenca prijevoznika za taksiprijevoz.

Taksiprijevoznici takođe mogu dobiti sve potrebne informacije u Ministarstvu za prostorno uređenje, promet i komunikacije i zaštitu okoline ili na telefon (032) 460 711 i 061/166 303.

